



Broj: 04-40-1-57/23  
Sarajevo, 27.02.2023. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** **za period od 08:30 sati 24.02.2023. do 08:30 sati 27.02.2023. godine**

U protekla 24 sata Operativni centar civilne zaštite Kantona Sarajevo, zaprimio je veći broj prijava od strane građana o polomljenim stablima kao i velikim granama sa drveća koje su ugrožavale infrastrukturu, a vezano za obimne padavine. Sve prijave su blagovremeno prosljeđene KJKP „Park“, čije su ekipe izlazile na teren i uklanjali gore navedene stabla i grane.

**Općinska služba civilne zaštite Novo Sarajevo:** U toku noći 26/27.02.2023. godine, angažovana je općinska Služba za zaštitu i spašavanje od požara i vatrogastvo, organizovana u Vatrogasnom društvu Novo Sarajevo – 1934, kako bi izvršili tehničke intervencije rezanja i uklanjanja stabala i polomljenih grana na više lokacija.

U izvještajnom periodu Kantonalni operativni centar civilne zaštite Kantona Sarajevo zaprimio je jednu informaciju o pronalasku NUS-a i to dana 25.02.2023. godine u 12:30 sati, od Policijske stanice Hadžići, da je u ulici Žunovačka br. 26 pronađen jedan nepoznati NUS.

Informacija o pronalasku ubojnog sredstva prenesena je pripadnicima Tima za UES Federalne uprave civilne zaštite, koji će u narednom periodu preuzeti i zbrinuti pronađeno sredstvo.

**Kantonalna uprava civilne zaštite Kantona Sarajevo** Pripadnici Profesionalne vatrogasne jedinice Kantonalne uprave civilne zaštite Kantona Sarajevo, u izvještajnom periodu imali su 15 manjih intervencija: gašenje manjeg požara u podrumu zgrade (1), gašenje zapaljenog dimnjaka na stambenom objektu (1), gašenje električnih instalacija (3), gašenje zapaljenog automobila (1), izlazak na teren i provjera stanja nakon dojava o većoj količini dima u haustoru zgrade (1) i osam tehničkih intervencija (asistencija medicinskoj ekipi na mjestu saobraćajne nesreće, jedna dežura na plinskoj instalaciji na koju se sumnjalo istjecanje plina i šest intervencija na uklanjanju stabala i velikih grana koje su predstavljale opasnost i smetnju infrastrukturi).

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo, imali su devet manjih intervencija od čega sedam tehničkih. Jedna intervencija se odnosila na gašenje zapaljenog automobila, jedna na gašenje zapaljene električne instalacije na stubu, jedna tehnička se odnosi na dežuru na plinskoj instalaciji na koju se sumnjalo istjecanje plina, dok se ostalih šest tehničkih intervencija odnosi na uklanjanje stabala i velikih grana koje su predstavljale opasnost i smetnju infrastrukturi.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdjevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila -2°C, vlažnost zraka 81%, barometarski pritisak 942,5 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a